

Landesbibliothek Oldenburg

Digitalisierung von Drucken

**Dissertationum Medicarum De Connubio Astrææ Cum
Apolline, Circa Medicinam Forensem**

De Inspectione Cadaveris In genere

**Emmerich, Georg Emmerich, Georg
Regiomonti, 1710**

VD18 1310747X-001

§. XXVII.

urn:nbn:de:gbv:45:1-8856

tingit, ut & post sepulturam, si forsan ante neglecta vel illegaliter peracta fuerit, effossum occisi corpus inspiciatur, dummodo non nimis putredinosum, partesque adhuc in mediocri nec corrupto planè reperiantur statu.

2. Locus commodus ac opportunus satisque lucidus sit, ubi inspectio ac sectio fieri debet, imò si possibile, potius in libero aere, quam in angustissima casulâ; Nimis hinc confluxus hominum vitetur, nec præsentia spectatorum permultorum Inspectorem ac Prosectorum turbet, quo minus dextrè officium suum peragere possit, hinc multitudo hominum sudorem quidem in anatomico, ni impatientiam elicit, tedium autem & laborem non compensabit.

§. XXVII.

3. Circumstantiæ aliæ variae sunt indagandæ, scilicet: Nomen & ætas occisi l. vulnerati sunt quærenda; Constitutio ac dispositio naturalis ac præternaturalis ante & post vulnerationem indaganda, arma, quibus læs⁹ fuerit, inquirenda & inspicienda, ictus vehementia consideranda, imò situs corporis dum percuslus vel vulneratus est, indagandus erit. Sic nuper saltem in Lithostrato in Ebrio, cuius jam §. 16. mentionem fecimus, sellā non adeo magnâ trucidato, ictus vehementia & corporis situs præcipue erant indaganda, quæ magnum momentum ad ritè renuncandum addiderunt; Diæta insuper ante & post percussionem notanda; Adstantium quoq; ac chirurgi solertia ac curandi methodus inquirenda; Tempus deniq; mortis probè investigandum, & si quæ aliæ circumstantiæ pro variatione subjectorum, quæ inspici debent, probè pensitandæ veniunt. Eiusmodi enim circumstantiarum consideratio non solùm ad inspectionem meliorem & exactiorem faciunt, sed & poste à ad melius dijudicandum vulnus & de ejus lethalitate judicium promptius ferendum, plurima subministrat argumenta. Circumstantias tales indagandas non solùm Nemesis Carolina art. 147. cum Comment. Stephani: sed & nostra Themis in jure Prutenico jubet, quando pag. 908. §. 20.

D

hæc



hæc præcipit: Also soll auch andere umbständliche Erforschung geschehen/ wie der Verwundete oder Geschlagene die Zeit über/ so er verwundet gewesen/ sich in Essen und Trincken und sonst still oder unruhig gehalten/ ob keine andere tödtliche Krankheit darzu geschlagen? wie lang der Verstorbene nach dem Schlagen oder Verwunden gelebet habe &c. item §. 21. Mit allem Fleiß aufzeichnen/ an welchem Ort des Leibes oder Haupts und wie schwerlich der Entleibte verwundet gewesen: item die Länge und Tiefe der Wunden erkündigen &c. Conf. Bohn. de officio dupli- ci Medici p. 594. §. XXVIII.

Corn. Cellus de Medic. lib. 5. c. 26. § 6. n. 30. p. m. 284. rationes subministrat, quare ætatis observatio & corporis & vitæ & temporis sit instituenda, quando dicit: *Quin etiam aliquid & ætas & corpus & vita propositum & annitempus confert: Quia facilius sanescit puer vel adolescens, quam senior, valens quam infirmus, neq; nimis tenuis neq; nimis plenus, quam si alterum ex his est, integri habitus quam corrupti, exercitatus quam iners. sobrius & temperans, quam Vino Veneriq; deditus. Opportunissimum curationi tempus vernum est, aut certè neq; ferventem, neq; frigidum, siquidem vulnera & nimius calor & nimium frigus infestant; maximè tamen horum varietas, ideoq; perniciosissimus autumnus est. Et §. antecedenti 5to: Aliquid, inquit, etiam in vulneris generè figurâg; est. Nam pejus est, quod etiam collisum, quam quod tantum discissum est, adeò ut acuto quoq; retuso telo vulnerari commodus sit. Pejus etiam vulnus est, ex quo aliquid excisum est, ex quo ve caro aliâ parte absissa, aliâ dependet; pessima queq; plaga curva est, tutissima, que linee modo recta est. Quo deinde proprius huic illice figura vulnus est, èo vel deterius vel tolerabilius est. Hæc etsi in vivo adhuc homine potissimum consideranda veniunt, nil obstat, quo minus & Renunciationi de corpore occiso suo modo applicari possint. In nostro Casu Nomen & Patria occisi ob meliorem dignotionem subjecti, ætas, ob floridam adhuc consti-*

